

江苏海运全案

戶部謹

奏爲遵

旨議奏事竊照兩江總督琦善等奏議海運章程一摺欽奉

諭旨著戶部將沙船到津在東門外交兌限幾日收竣放行卽行定議具奏等因欽此欽遵於九月十一日抄出到部臣等伏查來年暫雇商船海運現據兩江總督臣琦善等

奏定商船裝運蘇松常鎮太四府一州屬漕糧一百五十餘萬石分作春夏兩次運津計每次運米七十餘

江蘇海運全案 卷二
萬石運抵天津東門時自應迅速起剝俾商船趕早
回南再行裝運其限定收竣放行日期查向來漕糧
抵壩每日起米以三萬石爲率此係平時軍船陸續
抵壩且每年止運一次故每日起米止定此數來年
商船海運船衆米多風帆甚駛勢必同時齊集天津
起剝米石若照每日起米三萬石之數未免稽遲臣
等酌議惟有令承辦各員多備剝船增添人夫斗斛
屆期應由

欽派驗米大臣察看情形督令趕緊酌量加起剋期兌收
完竣不得稍有遲滯但臣等更有請者米數之多起

在剝船之多備而剝船裝運或恐仍有不敷似又莫
若將剝運之米就近起卸俾剝船得以更番輪剝起
米多而轉運速則商船之放行愈早查天津北倉可
貯洪斛米四十萬石上年天津起卸臺米十餘萬石
係先行卸貯北倉後由北倉剝運通州轉運京倉天
津距通州水路三百數十餘里北倉又距天津東門
數十餘里此次起剝商運漕糧若徑行儘北倉收貯
不惟倉廩不敷且相隔數十里之遙起卸尙恐遲誤
除多備剝船已奉

旨交直隸總督飭屬辦理外應令天津府縣就近將該府

縣空出各倉並天津東關附近寬大廟宇廣爲豫備
其倉廩廟宇均鋪墊席板勿令潮濕屋上均加拘拊
免致滲漏北倉亦照舊令天津運使飭商修葺完固
以便收貯其剝運之時查商船首次抵津是時清口
盤壩之南糧尙未北來無須起剝官剝船額設二千
五百隻加以添雇民剝海運到津之糧儘數撥運商
船首次抵津時應先儘最近之天津府縣倉廩廟宇
暫行剝卸一二十萬石其餘米石令剝船徑行運通
隨後將天津府縣倉廩廟宇所貯漕米卽行運通毋
庸轉卸北倉致多周折商船更得早日回南不誤往

來裝運至商船二次抵津時計盤壩之米亦應北上
須船剝運倘是時剝船不敷卽將二次到津之米先
行剝貯天津府縣倉廩廟宇如不敷卸貯再行剝貯
北倉隨令原剝船隻將所貯米石儘數運通如彼時
剝船足敷裝運卽照起剝首次商船米石章程辦理
不必分貯北倉更屬簡便總之該商船等航海遠來
乃係民運官糧更非尋常旗丁轉運漕糧可比斷不
可任該經紀書役等稍有勒指畱難以阻其急公應
募之志應請

敕下倉場侍郎督飭坐糧廳於經紀吏役內揀擇誠實之

江蘇河道全案 卷二
人派令辦剥如有刁難勒索等弊應聽該商民等指名喊控卽由

欽派大臣嚴拏懲辦務令該商船等隨到隨起愈速愈妙毋得稍有羈累乃爲盡善其米卸貯倉廩廟宇之時應令天津鎮總兵多派兵弁嚴密巡邏勿稍疏懈致滋偷漏至運米限期倉場向係每日起米三萬石此次自應儘力多起俾得遄行抵通隨時酌奪斷不得拘泥舊限所有天津東門起剥以及轉運京通各倉其剥船人戶如何得無偷竊攙和船米裝卸如何得無潮潤拋撒沿途官弁如何催趲防範剥船眾多如

何不致擁擠先期應請分倉場侍郎一人竝由直隸總督派委藩司前往天津飭屬妥爲辦理以便

欽派大臣臨時查驗再查起剝工食及輕齎等項銀兩已據兩江總督奏明由該省解赴倉場等衙門分別給發自可如期解到倘或商船先抵天津而此項銀兩尙未解到應准在天津運道兩庫內先行墊發仍俟前項銀兩解到時歸款庶不致臨剝待費稍有遲延又據兩江總督奏稱各商分別獎敘及載貨二成免其納稅其商船自關東運豆回南仍照例輸稅等語查商船以關東運豆爲正載倘該商運豆回南各關

人役借端需索畱難商船勢不得急駛再運所關非細應請

敕下各關迅速查驗放行並嚴禁吏胥人等不得稍有措累俾各商更加踴躍而漕糧早達

天庾如此辦理米經分貯剝運則商船交卸甚速按船約計不過數日之內即可放行不致羈累以上臣等酌議各章程應仍請

敕下直隸總督察看情形隨時酌量辦理所有臣等定議緣由理合恭摺具

奏是否有當伏乞

皇上訓示謹

奏

道光五年九月十八日具

奏本日奉

旨依議欽此

附錄

卷二

江蘇通志

卷二

江蘇通志

山東巡撫 臣武隆阿跪

奏爲籌議巡防海運事宜仰祈

聖鑒事竊照本年七月內欽奉

上諭御史熊遇泰奏請敕修營務以安漕運海防一摺洋面近日肅清來歲試行海運亦宜籌慮萬全以期有備無患著訥爾經額查明該省額設戰船有無短缺將弁能否認真巡緝如有廢弛之員嚴叅懲辦明年重運北來經由各處沙島應如何稽查防範派員帶兵押運俱著悉心籌議並令該鎮屆時嚴密巡查務使奸宄斂跡於漕務海防兩有裨益等因欽此當經護撫 臣訥爾經

額移行遵照一面委員候補通判史朔齡掖縣縣丞

徐鈐前往隨同該管登萊青道嵩英查勘籌議臣抵

任後接准登州鎮臣咨報並據登萊青道督同委員

等勘明籌議章程稟覆臣蒞任未久必須周諮博采

以求盡善復經飭行藩臬兩司逐一確查悉心嚴議

去後茲據該司等查明東省向設戰船等項除應修

外均係足額並無短缺並准登州鎮臣札勒杭阿咨

覆各營將弁均係按時出哨巡緝亦屬認真尙無懈

怠廢弛之員由該司等將海運巡防事宜籌議章程

詳請具

奏前來

臣

查江南商船出吳淞江口由寶山崇明至柰

山東駛繞出五道沙外洋轉東北越過東省交界之
鷹遊門直走東大洋卽交山東水師所管南汛洋界
大洋中千餘里並無山島可泊直至卽墨縣之嶗山
文登縣之北槎山始見島嶼如無風便暫須收泊則
在日照縣之夾倉口膠州之古鎮口均可寄碇膠州
之唐島卽墨縣之青島海陽縣之棉花島乳山口等
處皆可停泊再至文登縣之馬頭嘴卽入東汛洋界
經由文登縣之蘇山島靖海衛榮成縣之龍口崖養
魚池均可寄碇至榮成縣之石島裏島卽可收泊轉

過成山頭向西駛卽入北汛洋界經由文登縣之劉公島寧海州之崆峒島文登縣之威海衛寧海州之養馬島福山縣之之罘島八角口黃縣之黃河營岬岬島蓬萊縣之廟島掖縣之小石島皆可收泊卽達直隸鹽山縣大沽河出境查東省洋面共一百零五島明年漕運經行惟此二十五處島嶼最爲海道要地其間居民叢雜宵小易藏較之洋面巡防尤屬緊要自應分派弁兵嚴密巡查以資彈壓又查水師洋面膠州南汛管轄一千六百八十里成山東汛管轄三百九十里登州北汛管轄一千七百七十里內除

赴關東洋面三百三十里外實在洋面運道三千五百一十里至水師營額設戰守兵五百三十五名戰船十隻艍船二隻戰船每隻配兵四十名艍船每隻配兵三十名營員督率官弁管駕每年三月內出洋巡哨九月內回哨行之歷年已久島嶼安靜商賈無虞惟海道與河道不同重運出洋乘風逐浪四散分馳勢不能銜尾聯幫防護尤爲至要自應責成該管遊擊守備督率弁兵於糧船入境之先將島嶼險要之處詳細摺查迎護糧船入境小心巡防護送互相稽查務須聲勢聯絡如有偷安怠惰停泊不前臣卽

會同鎮臣隨時叅

奏懲辦斷不敢稍涉瞻徇仍令鎮臣屆時前往沿海一

帶督查以昭慎重再查南北東三汛額設戰船十隻

艍船二隻內南汛二號戰船一隻例應大修業經駕

進膠口尙未興工北汛八十兩號戰船二隻現亦駕

進登口應行驗修其餘戰船艍船共九隻船身均屬

堅固篷桅等具亦屬齊全其應修之船三隻飭令速

行修理倘或辦理不及就近雇覓堅大商船暫時應

用以爲巡哨之需所有沿海礮臺墩臺現已委員分

投查勘如在限內間有損壞飭令趕緊賠修倘係限